

弘治四年正月十九日太子太保吏部尚書王  
等題為陳言革弊等事

計開

一取用輕抑人員蠲除災異等事且人之下情不能  
通達以致上天垂象災異出覲以應其筆也若庶  
孝忠義之人秉此之心未得推奉亦如常事不得  
伸表此怨氣無伸致使天地失於正氣若天地失  
於正氣四時不序陰陽不和則災異迭出也伏惟  
我

皇上心將天也明同日月思及草木治化萬物有不得其所者  
或有巡撫等官但用小節致以閑住有屬无伸亦

可取若春秋時趙襄王復用熹頗其困而興宋太祖從寇准奏霖潦過度以正刑決獄而兩止若忠臣孝子義夫節婦行於天下有司查報其跡可旌賞者旌賞之可任用者任用之先者有小節休巡撫等官優取任用之下情通達無怨氣衝瀆上天自然清寧安泰也

前件陳旌賞天下忠臣孝子義夫節婦礼部施行外省得奏稱巡撫等官但因小節致以閑住有屬無伸要復取任用此是愛惜人才之心其言固為有理但近來巡撫官或因不職科道糾劾罷職或因自己姪私敗露去官中間若有小過无甚關係大節事情去

朝廷亦多勉留辦事未嘗輕退今王所奏亦無指實難以一緊取用立儲詔條

奉

天承運

皇帝認曰帝王統御天下必立儲副以定國本繫人心斯能長治久安而綿萬業於無疆也朕繼

祖宗天序登極五年夙夜憂勤恭膺

天眷元子尊獎軒龍毓秀迺表異當福慶攸鍾華表均敷茲者

皇親公候駙馬伯文武群臣累表率籲勸情立諸

朕肺腑鑒恤誠仰承

慈訓皆謂主器不可以久虛與情不可以固拒事在當年

理難終辭爰擇吉日祇告

上下神祇授厚獎以冊宝立為皇太子正位東宮益增

九廟之光丕行萬年之祚國家大典中外同懽宜敷茂恩

用慰願望所有合行寬恤事條開示于後